



Broj: 02- 262/22  
Sarajevo, 10.06. 2022.

## - PARLAMENT FEDERACIJE BIH-

### ➤ DOM NARODA

Hamdije Kreševljakovića br. 3, 71000 Sarajevo

- n/r sekretara Doma naroda Parlamenta FBiH

## P R E D M E T: URGENCIJA

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno: 13 -06- 2022			
Org. jed.	Broj	Priloga	Vrijednost
02	-02-	861	/21

Poštovani,

povodom gotovo jednoglasnog usvajanja Prijedloga Zakona o dopunama Zakona o električnoj energiji FBiH dana 06.06.2022. od strane Predstavničkog doma Parlamenta FBiH, ovim putem ljubazno urgiramo da Dom naroda navedeni Prijedlog stavi na Dnevni red prve naredne sjednice Doma naroda, te da isti usvoji.

### O b r a z l o ž e n j e :

Dom naroda je finalna dionica dvogodišnje utrke za spas naših rijeka, ako ćemo vrijeme računati od dana kada je Predstavnički dom Parlamenta donio Zaključak o moratorijumu na MHE u junu 2020. godine. Međutim, ova borba traje više od deceniju, a što se može vidjeti iz primjera prvih pionira za zaštitu rijeka od malih hidroelektrana (MHE), a koji su sada članovi Koalicije za zaštitu rijeka u BiH.

Očekivanja Udruženja "Resursni Aarhus centar u BiH", i svih ostalih članova Koalicije za zaštitu rijeka u BiH, a koju broji više od 30 zasebnih nevladinih i neprofitnih organizacija ( a svaku čini u prosjeku najmanje 100 aktivnih članova) jeste da Dom naroda usvoji ovaj Zakon prije nadolazećih izbora, kao bi izbjegli gubitak vremena na formiranje nove vlasti, jer investitori ne posustaju ni sada, što je primjetno i dalje na slučaju "Buna I" i "Buna II" gdje je investitor ponovo pokrenuo postupak za pribavljanje prethodne vodne saglasnosti, kako bi izgradio dvije MHE u zaštićenom području (u prilogu Zapisnik sa usmene rasprave); iako je Gradsko vijeće Grada Mostara donijelo Zaključak kojim se "zadužuje nosilac izrade Izmjena i dopuna prostornog plana da se prilikom izrade Izmjena i dopuna plana s lokaliteta Buna I i Buna II, na području Bunskih kanala, tok rijeke Neretve, izmjeni Prostorni plan Grada Mostara i onemogućiti izgradnju MHE Buna I i Buna II"(u prilogu). Ali, bez obzira i na ovaj Zaključak, investitor nastoji iskoristiti vrijeme dok se Prijedloga Zakona o dopunama Zakona o električnoj energiji FBiH i drugi prateći zakoni ne stave na snagu, kako bi izgradili ove objekte iako se njima jasno protive **građani širom BiH**. Navedeni primjer, je samo jedan slučaj, a radi se o više od 400 novih objekata koji se pokušavaju, na isti način: silom i protiv volje građana izgraditi i na drugim rijekama, riječicama i potocima, jer ni jedno vodno tijelo na teritorije FBiH ni RS neće ostati pošteđeno. Na protokol Parlamenta FBiH su već ranije dostavljeni naučni podaci koji potvrđuju da ovakvi objektni nemaju ni energetske ni ekonomske opravdanje, jer kada bi se svih 400+ MHE izgradilo diljem BiH, na godišnjem nivou bi u najboljem slučaju (bez računanja sušnih perioda, a koji su svake godine sve češći zbog klimatskih promjena, popraćeni naglim dizanjem vodostaja zbog poplava tj. naleta nevremena) prozveli **do 4% elek. energije**, dok bi cijena po okoliš,





a najviše sa aspekta vodosnadbijevanja bile nesagledive. Naime, tzv. male hidroelektrane se ne grade da bi bile zadovoljene potrebe BiH za električnom energijom, jer, podsjećamo, 108 malih hidroelektrana, koliko ih je bilo u pogonu 2020. godine, na teritorije cjele BiH proizvele su 341,02 GWh, što je svega **2,2% od ukupno proizvedene električne energije u BiH<sup>1</sup>!!**

Unaprijed Vam se zahvaljujemo i molimo za razumjevanje u cilju očuvanja najvećih vrijednosti naše države, te ističemo da je sličan apel upćen u ime ovog Udruženja i od strane Fondacije "Atelje za društvene promjene"- ACT.

Prilozi:


- Zapisnik o usmenoj raspravi od 26.5.2022., Agencije za vodno područje Jadranskog mora i
- Zaključak Gradskog vijeća Grada Mostara od 09.12.2021. -primjerak is Službenog glasnika Grada Mostara.

S poštovanjem,

Dostaviti:

- naslovu;
- a/a.

Izvršna direktorica Udruženja "Aarhus centar u BiH:"



<sup>1</sup> Izvještaj o radu, Državna regulatorna komisija za električnu energiju, 2020. Dostupno na <https://www.derk.ba/DocumentsPDFs/DERK-Izvjestaj-o-radu-2020-b.pdf>